

第四十五册

上海圖書館未刊古籍稿本



傅熹年題

上海圖書館未刊古籍稿本



傅熹年題

第四十五冊

第四十五冊目錄

紅雨樓集不分卷 鼇峰文集不分卷（原裝十二冊）「四」冊十至冊十二

冊十

祭文、引、祝文 一

疏 一〇九

冊十一

鼇峰文集目錄 一三三

論 一三八

策 一八九

表 二二一

啓 二二五

冊十二

目錄 二五七

銘 二六四

贊 二七一

頌 三二五

考 三三七

說 三五四

述 三六六

書事 三七五

議 三七八

約 三八六

卦 三八九

八

祭葉思山民部



神宗季歲海宇奠安文忠大拜魚水投歡惟翁登庸
輝昭花萼歷任璽卿寶符在握皇恩稠疊晉秩春
曹鳳池載華游受寵褒兄弟同朝出入帷幄奏合璫
篋天倫至樂帝曰爾嘉詔進勲階黃金橫帶遂
早乞骸歸憇福廬優游其下棋局酒杯香山結社逍
遙擴境為樂未厭舞裙歌扇縹緲詩籤遶訓方嚴
聖恩旋被冢嗣承家弓裘克繼夜郎出守銅虎不符
隼旟熊軾夷落歡呼杪夏別家中秋聞訃三釜方隆
翁先朝露壽躋八袞星殞中台存順歿寧生榮死哀

某等誼切葭莩情耽桑梓函耗遙聞涕零如雨在辰
薄奠聊薦琳觴靈其賁止歆此馨香尚享

丁丑九月

八

祭鄭州尉文

於維先生金相玉質粹德雅懷和風皎日其表世美
業擅素封翩若鳳矯猶龍循例入賞彈冠結綬
通籍銓曹皇都馳驟喜生捧檄出尉珠厓一航渡海
民歆慕來萬里炎荒不堪磬折飄然拂衣山林念切
放情杯岸雲水襟期平臺之頂瓊河之湄憶我伯兄
忝姻雅猶子東床寔賴陶冶正膺福祉宜享遐齡
何期物化倏駕雲輶五桂芬芳孫枝挺秀積厚流長
克昌厥後忽然聞訃曷任慘傷生芻一束薄奠柑漿
茲辰何辰秋風懷惻彷彿精靈庶幾來格

高氏從姑壽圖引

吾徐世居荆山弘正中勸高祖始遷城居曾伯祖別駕
公孝廉高西公大令少荆公亦遷城居自國朝以來
代有顯者至于嫁女必擇名門中表高右公之母乃太
令公之季女勸之從姑也賦性令淑早事三台先生雅
有少君德曜之懿範又有東海京陵之壺儀今歲壽路
七袞有五右公思揚母德乃屬趙君寫萱花一枝雜以
仙果數品用寓晚香之意并乞孫曹周三君子祝言為
壽勸泰姑姪之親至愛無文不敢賦詩敬引其端惟偕
右公跪進霞觴而已崇禎庚辰初秋壽日姪勸離書

日鑑篇引

人生百年三萬六千朝等白駒之過隙得百年者幾何
至于一歲之中應事接物兩不能免弗有登載轉眄遺
忘是故泐氏有紀功紀過課程用自勉東萊呂氏自
少讀書必有日錄以證學問之淺深遂成大儒良有以
也斯錄年分十二月、分三十日精粗巨細遇事輒書
瞭如懸鏡若夫蹉跎歲月耽玩日時非佛非儒請毋載
筆崇禎庚辰春三山徐興公題

不

通津樓動土祝文

代

閩之有國肇自漢唐通津樓宇作鎮興方歷年八百
代薦馨香歲當否運祝融煽殃爰消吉日重新棟梁
敬告后土來格洋洋生靈億兆百世其昌尚享

祭封~~公~~都御史陳公文代

惟公端安岳峙冲抱淵渟瀟湘毓秀衡鄂鍾靈福以
行啟貴繇襟茂衍流既長溯源則厚懷瑜握瑾茹美
葆真義嚴一介諾重千鈞駿德發祥啟迪賢胤敬歷
清朝疊膺簡命乘駟入禁晉秩中丞忠貞天
眷朝野惟騰昂養方來霜髯鶴髮瀟脫仙姿飄飄道
骨馳封累錫御史大夫冠魏豸角笏指魚鬚組綬
輝煌里門焜燿齒背鯢鮐德年高邵惟忠翊聖惟
孝顯親永宜食報百歲為春胡厭塵囷遽遊冥漠鄉
姜棟梁邦推喬嶽譽宏望峻生順歿寧既承寵遇

復享脩齡矧惟有子伏苦奏牘 帝曰俞哉稽典示
卹 國恩隆渥 勅諭嘉崇青綸游至貴彼玄宮純
孝何歸欒々孔棘漢水無聲楚山寡色蕙塗景翳蒿
里歌摧九疑梧竹精靈去來某侍冢君門臺入直孔
李誼殷夙欽明德青芻載束綠醕盈觴霜淒雲暖不
盡徬徨楚岫聞天迢遙千里靈爽不湮尚冀鑒止

祭葉湖山先生文

吁嗟先生吾輩典刑胡天不憖涕泗交零先生之德粹然純白執苑名流文章巨擘獻策不收退而遨遊烟霞泉石雲水林丘逍遙泮渙幽居栖遁朝往夕還詩朋酒伴八十五年陸地之仙碧瞳在眼黃髮盈顏善飯無恙羲皇之上杖屨踴躍老而益壯矍鑠是翁跬步從容商岩綺季香山白公葆光完素大齊可俟造物忌全忽賓仙去嗚呼哀哉木壞山頽西日難挽東流不回憶昔先子先生知己結管鮑交抱范張契研席深情文酒弟兄雪霜短榻風雨孤檠先人朝露

視公如父孔李通家惓然如故哲人云亡誰為父行
惟有先生如魯靈光何期物化倏然凋謝先子同游
盡歸長夜嗚呼哀哉哭聲如雷撫床哽咽臨几悲摧
生男一束莫公之木零落山丘淒涼華屋嗚呼哀哉
冥漠夜臺靈如不昧庶幾能來

祭大司農謝公文代

閩山嵯峨閩水泮滌藏育靈區發祥育德於維謝族
江左流聲派衍賢裔寶樹崢嶸翼司農金相玉質
學富五車道窮三極皇路展足天府策名筮仕通顯
晉秩大行奉使冊封路窮海島化格諸蠻教敷夷僚
君命不辱欽賜麟袍擢丞光祿沾沐寵褒奏績榮遷
大京兆尹導俗宣風清標凜帝曰良弼文武壯猷
節鎮江右開府虔州再掌秩官式貳司寇讞獄祥刑
贊襄在宥旋聞睿旨召理糧儲度支出入會計轉輸
督料諸倉供給九穀筭邁弘羊陳紅充足國賦是賴

為帝股肱去天尺五卿月常明策畫焦勞經營莫緩
倏爾夢楹騎箕不返泰山已壞梁木其傾喆人不作
星殞長庚燕邸行喪素旌奔訃明主輟朝元勲贈賻
某等備員茲土寔欽鄭鄉遙思丰采曷已悲傷不腆
生芻奠公魂魄悽愴焄蒿仰祈昭格

不
同鄉合祭鄧少恭文

於維先生竹林茂族稟氣異人溫其如玉幼承嚴訓
聞禮過庭學精大戴業擅一經壯歲摘文首魁閩省
再試春官看花脫穎金閨通籍華省含香度支出入
算比弘羊奉命轉輸督漕兩浙飛粟輓芻鄴侯同轍
歲當大比典試粵東執林曰匠詞苑推工載擢滇南
文衡是掌馬遇九方驪黃見賞宦聲懋著擢蒞楚藩
風清蒞澤星燭薇垣帝曰良哉官階朝請乃旬乃
宣之翰之屏勤勞王事監餉渡淮維桑在望乞假歸
來畫錦方懽忽然仙逝人之云亡邦國殄瘁位不滿

德未究厥施如鵬戾漢翼折而垂在篋遺文太羹玄
酒百歲千秋芳名不朽茲辰薄奠悵隔幽明同年契
分鄉曲親情清酌庶羞辦香束帛悽愴蕙蒿仰祈昭
格